

追悼鄧公澤如專刊

中國國民黨中央執行委員會西南執行部編印

鄧委員事畧

鄧公澤如諱文恩字遠秋廣東新會人世業農公幼而勤奮六歲始就塾午歸遺食以餉耕暇輒操田間工不事嬉遊年十一隨世父傳謀公習買于陽春猶不忘讀不可得書則假他人之稗官野史以讀之傳謀公儉而嚴公不敢拂夜深然短檠穴泉匣覆以蔽光潛就枕畔讀之遇不識之字則筆之于紙旦就詢于其伴由是識字遂多所讀亦日廣居陽春七年會其從伯傳合公業礦于南洋大霹叻偶歸里挈公南行庸於悅生店司出納旋往來大霹叻芙蓉各地經營錫礦業積資致富遂以起家公久僑國外習見僑胞日受不平等待遇知由于國勢之不振而滿族之歧視也慨然思所以拯之紀元前六年總理將赴歐洲道出馬來半島周遊各埠宣揚三民主義抵芙蓉公素耳其爲革命領袖亟往見之甫覲面輒以革命能否召瓜分爲問且及抵禦之策總理語之曰外人之欲瓜分中國以中國之不能自立爲世界和平之障礙也能自立斯免瓜分矣乃與縱談救國主義深夜而別自是遂篤志于革命紀元前四年汪精衛至自星洲公加入中國革命同盟會成分會以公

追悼鄧公澤如專刊

二

爲主盟華僑附者日衆陽明中興兩報所以宣傳革命者以及戊申河口庚戌新軍舉義咸得公之
伙助新軍既敗黨人謀再舉公遊說于各埠歷四十餘日甫抵家而黃克強携胡漢民函至以荷屬
助欸不可恃須于英屬籌五萬金乃可舉事時公委陳適舉長君光夏陳病且篤公不顧遂偕黃行
歷吉隆坡龍邦霸羅金寶各埠公固負僑望所至莫不踴躍輸將芙蓉華紳譚德棟老成勸儉居恆
蔬布自給爲公故貨產捐五千金鉅欸遂集于是乎有三月廿九之役是役雖敗而影響所及使舉
國之人咸體會革命之精神認識救國之深轍是以武漢再舉四方響應傾覆清室肇建共和是役
其先導也而微公之籌濟饟械則事不克舉民國成立奉 總理電召赴寧將任以要職公謂吾黨
革命將以救國爲義務不爲權利也辭弗就唯以破壞之後宜謀建設主張提倡實業發達工商而
以開辦銀行爲基礎自寧而粵日汲汲于此又偕南洋同志奔走于韶惠之間攷察礦業森林幾無
停趾以政變復起事途中沮討袁軍敗公乃歸南洋 總理自日本東京組織中華革命黨公組支
部以爲之應以部長委伍熹石而自奔走于馬來半島各埠以助其進展粵軍回粵 總理復電召
公歸里命爲內政部礦務局長兼任廣東礦務處長六月十六日之變走香港被任爲中國國民黨

廣東支部長居港與諸同志組織討陳辦事處被推任財政之運動及出納事得款聯滇桂軍東下陳炯明倉皇出走 總理回粵任爲大本營建設部長兼財政部長旋免職任兩廣鹽運使時東西鹽場十八處皆被悍軍盤據緝私艦盡被封奪僅餘一二備遣公既就職以小輪避封不敢拖運鹽船停滯香港者凡六十餘艘乃請大本營發護照派安北艦自虎門隨護進口鹽運乃復通緝私艦隊主任某既設機關私鹽充斥未獲顆粒擅委艦長不服監查復違章引佔船以自利立命裁撤糧食管理處督辦獻議洋鹽納稅進口公以違鹽法且防害粵地塲產利少弊多力持不可議乃寢既鹽務稽核所經理伍汝康條陳整理鹽務辦法可立集鉅款公遂辭職以讓之復被任爲大本營參議仍列席政務議議會初國民黨改組中國共產黨乘機侵入竊權攘政至是廣東支部職員全體會議推公與林直勉等十一人上書劾之不報公又召集同志會議獻議限制跨黨凡列籍共產黨者當有所表示亦不用復任兩廣鹽運使時前任發出預餉三十餘萬鹽務疲敝益甚公務開誠布公以爲治上下無隔閡之虞官商收合作之効輿論翕然既而共產黨徒組織黨團恣其活動其言論行爲皆示不効忠於本黨公時爲第一屆中央監察委員懼其害黨而禍國也與張繼謝持劾之

于中央執行委員會決議開中央執委全體會議討論之結果祇空言裁制及勸勉同志仍前奮鬥勿懷疑已中央執行委員兼組織部長譚平山者共產黨也將壟斷各級黨部而虛黨羽未遍植遲遲不舉公廉悉其情以各省黨部進行計劃期以五月正式成立逾期既久廣東省黨部猶未籌備組織部怠慢工作提案劾之譚卒引咎聲明負責於一月內派員籌備總理既逝俄人鮑羅廷以政治顧問操縱政治會議思盡逐吾黨之中堅人物而易以共產黨員爭政者復從而乘之將改組大本營爲國民政府公上書中央黨部謂政治會議以少數人意見未經中央執委會決議決擅行改組國府不當請緩施行方交中央執委會討論而國民政府已成立矣同時以汪兆銘廖仲愷譚延闓許崇智聯名致函請撤回此案自是而忌公者且憾公會廖案事起鮑羅廷藉是將興大獄網羅異己組廖案特別委員會以汪精衛蔣介行許崇智爲委員鮑力主逮公與胡漢民鄒魯蔣許則以公忠實向爲總理所稱道逮公恐失僑望乃免復被舉爲第二屆中央監察委員兩廣鹽運使署改組爲處辭職革命軍既下武漢鮑羅廷嗾其徒假聯席會議名義議決以武昌爲黨政最高機關駐在地召集第三次中執委全體會議通過改組黨部及政府去公及古應芬戴季陶張靜江葉楚

槍邵元冲而易以蘇兆徵高語罕彭澤民等公應古應芬陳立夫之請赴寧開中央監察委員會臚舉武漢聯席會議之非法律事實凡十款以公領銜通電各省自是而清黨運動風動全國寧漢合作之議倡蔣胡下野公亦離寧赴滬寧漢滬三黨部併組爲中央特別委員會推公爲國民政府委員又總理葬事籌備委員會委員又中央黨部海外部委員書凡三至置不答既蔣汪合謀開第四次中央執監全體會議共產黨變于粵公自滬電中央執行委員會主張嚴懲主謀發兵戡亂通緝叛黨又通電中國國民黨全國同志否認第四次中央執監全體會議名稱畧謂第三次中央執監全體會議爲武漢共黨所召集蔣等皆被指爲反革命開除黨籍以爲有効則蔣等既喪失黨員資格何能出席於四中全會以爲無効則何得有四次全會之名是非不可不明邪正不可不辨叛亂不討是謂國無綱常奸慝不懲是謂黨無紀律云蓋正論也旋奉國府令與古應芬查辦粵變案公調查事實蒐集証據歷摘養奸釀變誤國殃民諸中委請嚴予懲處卒由中央監察委員會決定留交第三次全國代表大會處分第四次中央執監委員全體會議既開改組國民政府仍以公爲國府委員又被任僑務局僑務委員公喟然曰四次全會全操於個人之手目無監察自案紀綱

厚顏無恥者復從而和之爲之効奔走焉正氣掃地盡矣余不願同流合污唯有不問黨國事以全名節留待天下後世公論耳乃漫遊蘇杭武漢荆襄鄱陽彭蠡之間徜徉山水訪古探幽以自遣遊興既倦復歸香港閉門休養日唯讀書寫字間與一二故舊流連茶肆酒家不問外事曾被任廣東省政府委員兼建設廳長數經敦勸仍不就尋以中樞權右專橫日甚且因中央執行委員國民政府委員立法院長胡漢民於湯山公與古應芬蕭佛成林森聯名効之不報中央執監委員非常會議開于粵成立國民政府公任國府委員當局將以公任廣東省政府主席徵公同意公曰余之出山爲黨也非爲仕也將以耆老資格調和各方意見團結同志精神以護黨國已不宜兼任地方行政官吏南北統一和議成南方撤非常會議及國民政府依第四次全國代表大會決議案成立中央黨部西南執行部仍以公爲監察委員設西南政務委員會以公爲政務委員任職三年凡所提議如取締婚喪生壽革除陋俗規則服用國貨暫行辦法撤銷檢查果類出口各案類關係於國計民生如議施行二十三年十一月薨於位年六十有六國民政府暨西南政務委員會明令褒揚給費派員治喪公溫厚和易遇人無貴賤態度如一喜談諧論事恒以滑稽出之獨關黨國得失則莊

言正論不少假借恒主張實業救國不樂仕宦唯留意於農林礦業有所聞不問遠近不辭勞瘁必躬親赴勘與人言尤津津樂道華僑有失業歸者見公必道之興辦實業母慕官吏云子五光夏光商光周光武新蘇

鄧公治喪處編述

中華民國二十三年仲冬

人
道
當
心
間
道
船

過
情
與
不
及
情
同

錦濤詩集於小北金屋圖



財盡其利
財民食足
物盡其
用財財所

此	源	其	豐
四	裕	流	陳
者	故	財	銀
強	山	財	暢

國	治	本	得
上	國	也	得
大	上	四	然
經	大	者	後

修我政理
亂我規模
陷我軍廣
保我藩邦



